



04-08-2023

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD TUZLA

JAVNA USTANOVA CENTAR ZA SOCIJALNI RAD  
TUZLA

Tuzla, Kozaračka bb, tel.: +387 35 36 90 10, fax: +387 35 36 90 35, e-mail: info@csrtuzla.ba

Broj: 01-04-1-725/23 NV  
Tuzla, 03.08.2023.godine

Na osnovu člana 100.stav 3. Zakona o javnim nabavkama Bosne i Hercegovine („Službeni glasnik BiH“, broj: 39/14. i 59/22), rješavajući po žalbi ponuđača INGEL d.o.o., Tuzla, ul.Mehmedalije Maka Dizdara do B11-PZC „Stupine“ 45 A/P izjavljenu na tendersku dokumentaciju preuzetu sa portala javnih nabavki dana 21.07.2023.godine, broj obaviještenja o nabavci broj:4-7-1-40/23 objavljeno 21.07.2023.godine koja se odnosi na „Nabavku kompjuterske opreme za JU Centar za socijalni rad Tuzla“, direktorica JU Centar za socijalni rad Tuzla donosi

### ODLUKU

- 1.Usvaja se djelimično osnovana žalba ponuđača INGEL d.o.o., Tuzla, ul.Mehmedalije Maka Dizdara do B11-PZC „Stupine“ 45 A/P izjavljenu na tendersku dokumentaciju preuzetu sa portala javnih nabavki dana 21.07.2023.godine, broj obaviještenja o nabavci broj:4-7-1-40/23 objavljeno 21.07.2023.godine koja se odnosi na „Nabavku kompjuterske opreme za JU Centar za socijalni rad Tuzla“.
- 2.Ova Odluka je osnov za preduzimanje radnje isrpavljanja od strane Ugovornog organa i izmjene Tenderske dokumentacije broj: broj:4-7-1-40/23 objavljene 21.07.2023.godine.
- 3.Ugovorni organ će o poduzetoj radnji izmjena tenderske dokumentacije obavijestiti sve potencijalne učesnike u postupku na portalu javnih nabavki.
- 4.Odluka stupa na snagu danom donošenja

### Obrazloženje

Ugovorni organ JU Centar za socijalni rad Tuzla je pokrenuo postupak javne nabavke Kompjuterske opreme putem konkurentskog zahtjeva za dostavu ponuda objavljenog na portalu javnih nabavki pod brojem:4-7-1-40/23 dana 21.07.2023.godine.U predmetnom postupku javne nabavke potencijalni ponuđač INGEL d.o.o., Tuzla, ul.Mehmedalije Maka Dizdara do B11-PZC „Stupine“ 45 A/P , izjavio je žalbu na tendersku dokumentaciju koja je kod ugovornog organa zaprimljena dana 31.07.2023.godine.

Ugovorni organ konstatuje da je žalba blagovremena, dopuštena i izjavljena od strane ovlaštenog lica.Žalitelj podnosi žalbu na sadržaj dokumenta „Tenderska dokumentacija 2“

U žalbenom navodu 1: Žalitelj smatra da za isporuku robe i izvršenje usluga traženih tenderskom dokumentacijom 2 nisu neophodne kvalifikacije, koje ugovorni organ zahtijeva od ponuđača u stavci 7.3. tenderske dokumentacije „Tehnička i profesionalna sposobnost (stavke 7.3.1. b, 7.3.1.c i 7.3.1.d te dokazi 7.3.2.b,7.3.2c i 7.3.1.d) te se traži da ugovorni organ to na odgovarajući način ispravi (izbriše ili postavi drugačije zahtjeve ) i usaglasi sa ZJN. Takođe se ističe da je cilj javnih nabavki da se omogući što većem broju potencijalnih ponuđača da učestvuju u istima i da se poveća konkurentnost u pristupu javnim sredstvima, a ne da se sužava postavljanjem ovakvih i sličnih zahtjeva.

Kada je u pitanju tehnička i profesionalna sposobnost ponuđača ugovorni organ je zahtjev definisao na sljedeći način:

„7.3.1. U pogledu tehničke i profesionalne sposobnosti regulisane čl. 48. i 50. Zakona, kandidati trebaju ispuniti sljedeće minimalne USLOVE za kvalifikaciju:

- a) da imaju uspješno iskustvo u realizaciji najmanje 1 (jednog) ugovora u posljednje 3 (tri) godine ili od datuma registracije odnosno početka poslovanja, koji su u vezi s predmetnom nabavkom odnosno čiji su karakter i kompleksnost adekvatni predmetnoj nabavci;
- b) da posjeduje certifikat ISO 27001, koji glasi na ime ponuđača ili drugi dokaz o osiguranju kvaliteta od ponuđača koji nemaju pristup takvom certifikatu,
- c) da ponuđač u radnom odnosu ima zaposlena ili angažovana najmanje jednog inženjera elektrotehnike ili informatike,
- d) da ponuđač posjeduje dokaz da ima Industrijsku sigurnosnu dozvolu za zaštitu podataka, koju izdaje državno ministarstvo sigurnosti BiH, a radi obrade i migracije podataka sa oznakom stepena „TAJNO“ ili drugi dokaz o ispunjavanju uslova za pristup i rukovanje tajnim podacima.

7.3.2. Ocjena tehničke i profesionalne sposobnosti kandidata iz tačke 7.3.1. TD će se izvršiti na osnovu dostavljanja sljedećih DOKAZA:

- a) Spisak izvršenih ugovora o izvedenim radovima koji su predmet nabavke, u posljednje 3 (tri) godine ili od datuma registracije, odnosno početka poslovanja, ako je kandidat registrovan, odnosno počeo da radi prije manje od 3 (tri) godine, koji sadrži minimalno jedan ugovor čija ukupna vrijednost iznosi najmanje 19.000,00 KM bez uračunatog PDV-a

NAPOMENA: Uz spisak izvršenih ugovora ponuđač je dužan dostaviti i najmanje 1 (jednu) Potvrdu, koja je u vezi sa spiskom izvršenih ugovora o izvršenim radovima, a koju daje druga ugovorna strana o njihovoj realizaciji, a koja (*potvrda*) obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede.

- b) Fotokopija certifikata ISO 27001, koji glasi na ime ponuđača, ili drugi dokaz o osiguranju kvaliteta od ponuđača koji nemaju pristup takvom certifikatu,
- c) Fotokopije diploma. U slučaju da je u pitanju lice koje je angažovano, potrebno je dostaviti original ili ovjerenu kopiju originala ugovora o angažmanu ili neki drugi dokaz kojim se dokazuje angažovanje, koje također treba biti original ili ovjerena kopija originala (organ uprave—općina, sud ili notar).
- d) Ponuđač je dužan dostaviti dokaz da ima Industrijsku sigurnosnu dozvolu za zaštitu podataka, koju izdaje državno ministarstvo sigurnosti BiH, a radi obrade i migracije podataka sa oznakom stepena „TAJNO“ ili drugi dokaz o ispunjavanju uslova za pristup i rukovanje tajnim podacima.

Dokazi navedeni u tački c i d ugovornom organu su potrebni zbog povjerljivosti podataka (kao i prirode/djelatnosti posla kojom se JU Centar za socijalni rad Tuzla bavi).”

Prije svega želimo istaći da je naprijed navedena Tenderska dokumentacija u cjelosti sačinjena u skladu sa Zakonom o javnim nabavkama i Uputstvom za pripremu modela tenderske dokumentacije, posebno vodeći računa da ista zadovoljava osnovne principe javne nabavke koji se odnose na jednak tretman i nediskriminaciju među potencijalnim ponuđačima, ali i da se da mogućnost onim ponuđačima koji su kvalitetni u koji će pružiti najkvalitetniju ponudu i koji imaju profesionalno, stručno i edukovano osoblje i da isto ponuđači treba i da dokažu. Iz navedenog smatramo da žalbeni navodi potencijalnog ponuđača nisu osnovani iz razloga što svi ponuđači koji ispunjavaju zahtjeve iz tenderske dokumentacije mogu dostaviti svoju ponudu, a naročito što je istima data mogućnost ekvivalenta u odnosu na ono što se traži u tenderskoj dokumentaciji. Ugovorni organ je dao široke mogućnosti dokazivanja profesionalne osposobljenosti potencijalnih ponuđača.

U žalbenom navodu 2 „ se navodi da procijenjena vrijednost nabavke je nevjerovatno velika čak i višestruko veća od realne tržišne vrijednosti onoga što se planira nabaviti, te da je potencijalni ponuđač spreman i dokazati te smatra da ugovorni organ nije dovoljno kvalitetno izvršio prethodnu provjeru tržišta, a što je bio u obavezi da učini skaldau sa članom 14.a i 15 ZJN.

Ugovorni organ ovaj žalbeni navod smatra neutemeljenim i neosnovanim iz razloga što je ugovorni organ proveo postupak ispitivanja tržišta sa dva pravna lica koje se bave poslovima iz predmetne nabavke, te na taj način formirao tendersku dokumentaciju i procijenio tržišne vrijednosti roba i usluga koje su predmet nabavke o čemu postoji pisani dokaz. Napominjemo da je i Ugovornom organu u cilju da predmetnu nabavku realizuje po nižim cijenama ali nikako gubeći na kvaliteti onog što nabavlja.

U žalbenom navodu 3. pozivajući se na žalbene navode 1. i 2. izražava se osnov sumnje u postojanja namjere za pogodovanje jednom ponuđaču od strane ugovornog organa ,a što nije u skladu sa princima ZJN navodeći pri tome da je u predmetnom postupku učestvovao samo jedan ponuđač.

Ugovorni organ i ovaj navod smatra neutemeljenim i neosnovanim samom činjenicom da svi ponuđači koji ispunjavaju uslove i posjeduju traženu dokumentaciju uz mogućnost dostavljanja i ekvivalenta onog što se traži mogu dostaviti svoje ponude. Ugovorni organ nema saznanja ko od potencijalnih ponuđača ispunjava uslove iz tenderske dokumentacije u ovoj fazi postupka, ali je garantovano da će sve ponude cijeniti u skladu sa Zakonom o javnim nabavkama.

U žalbenom navodu 4 koji se odnosi na tehničke specifikacije na više mjesta u koloni 2 Minimalne tehničke karakteristike opreme, dokumenta Aneks 2 „Obarazac za cijenu ponude“ tenderske dokumentacije 2, žalitelj ističe da isti nisu u skladu sa članom 54 stav 9 ZJN te se poziva ugovorni organ da ispravi i usaglasi tekst tehničkih specifikacija.

Kada su u pitanju žalbeni navodi po pitanju „Minimalne tehničke karakteristike opreme smatramo da su isti djelimično osnovani jer se u koloni 1 u dijelu Sigurnost navodi naziv proizvođača **Utor za Kensington sigurnosni kabel, priprema za mehanički lokot, te će se u tenderskoj dokumentaciji izmijeniti u Sigurnost utor za sigurnosni kabel.**

Takođe ističemo da je tražen Operativni sistem:

Instaliran Windows 11 Pro 64 licencirani operativni sistem.  
Instaliran i licenciran Microsoft Office 2021 Standard LTSC

CPU: Intel 12. generacije Core i3-12100 Processor (12MB Cache, 4.30GHz), ili neki drugi koji ima CPU Mark rezultat isti ili bolji broj bodova prema <https://www.cpubenchmark.net>, te zbog toga ne postoji mogućnost nabavke drugog operativnog sistema iz razloga što je čitava IT infrastruktura Ugovornog organa bazirana na Microsoft platformi. Pridruživanje okruženju je jedino moguće sa navedenim (traženim) operativnim sistemom.

Ugovorni organ djelimično prihvata žalbene navode INGEL d.o.o., Tuzla, ul. Mehmedalije Maka Dizdara do B11-PZC „Stupine“ 45 A/P kao osnovane te će izvršiti ispravku tenderske dokumentacije u dijelu žalbenog navoda 4, te izmjenu objaviti na portalu Agencije za javne nabavke.

Na osnovu navedenog donesena je odluka kao u dispozitivu.

#### POUKA O PRAVNOM LIJEKU

Potiv ove Odluke može se izjaviti pismena žalba Uredu za razmatranje žalbi putem Ugovornog organa u roku od 5 (pet) dana od dana prijema ove Odluke.

#### OBRADILA

Nalić Vildana, dipl.pravnik

DIREKTORICA

Dr.sci. Sadiković Lejla, dipl.pravnik

#### DOSTAVLJENO:

1. INGEL d.o.o., Tuzla,  
ul.Mehmedalije Maka Dizdara do B11-PZC „Stupine“ 45 A/P

2.a/a

